



ATASSUT INATSIARTUNI

ATASSUT

UKA 2013/30-1

Gerhardt Petersen

15.10.13

Peqqissaasut Palliativ-imik nakorsaasinnaanermut ilinniaqqissinnaaneranguniarlugu immikkut aningaasaliisoqarnissaanik Naalakkersuisut peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Doris Jakobsen, Siumut)

Siumut sinnerlugu Inatsisartuni ilaasortaq Doris Jakobsen matumani siunnersuuteqarpoq inoqativut nappaammik pissuteqartumik piartortut katsorsarneqartarnerat anniaataannillu annikillisaasinnaaneq pitsaanerpaaqqullugu peqqissaasut ilinniaqqissinnaanerannut immikkut aningaasaliisoqassasoq.

Innuttaasut peqqinnissaqarfimmit sullinneqarnerisa qaffasinnerpaanissaa ATASSUT-mit qulakkeerniassallugu pingaartilluinnagaraarput, aamma peqqinnissaqarfimmi sulisut ilinniakkamik qaavisigut ilinniaqqissinnaanissaminnut periarfissaasa pitsaasuunissaat eqqarsaatigalugu.

Uagut ATASSUT-mit aammalu siunnersuuteqartoq siusinnerusukku siunnersuuteqarnikuuvugut nunatsinni piartortunut immikkut paaqutarinniffimmik neqerooruteqartoqalernissaa sulissutigineqassasoq.

ATASSUT-millu naammagisimaarparput ilaatigut siunnersuutit taakku aallaavigalugit misissueqqissaarnerit ingerlanneqarmata, naatsorsuutigaarpullu pilersitsisoqarnissaanut atatillugu sulisorineqarumaartussat ilinniarsimassutsikkut piginnaasaat qulakkeerniarlugit sulineq ingerlanneqassasoq.

Taamaammat ATASSUT-mit siunnersuuteqartoq paasilluarualarlutigu tunngaviumillu tapersorsoraluarlutigu Naalakkersuisut siammasinnerusumik aallaavilimmik, tassa



ATASSUT INATSISARTUNI

peqqissaasuinnaanngitsut allalli sulisut pisariaqartinneqartussat pillugit qulaajaanerat utaqqimaarumaneruarput.

Taamatulli oqareerluta Naalackersuisunut kaammattuutigissavarput piartortunut paaqqutarinniffiulerumaartussami sulisussat tungaasigut isumannaarinninneq annerpaaq qulakkeerniarlugu siunnersuuteqartup matumani siunertaa – tassalu immikkut aningaasaliisoqarnissaanik kissaat pisariaqassanersoq nalilersorluaqqullugu.

Taamak oqaaseqarluta ATASSUT-mit Naalackersuisut akissuteqaataat tusaatissatut tiguarput.